

Službene novine Kantona Sarajevo, broj 22/21

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 66. vanrednoj sjednici održanoj 20.05.2021. godine, donijela je

ODLUKU

O UTVRĐIVANJU DOMENE I PODDOMENA INTERNET PORTALA I ADRESA ELEKTRONSKE POŠTE U KANTONU SARAJEVO

I

Ovom Odlukom o utvrđivanju domene i poddomena internet portala i adresa elektronske pošte u Kantonu Sarajevo (u daljnjem tekstu: Odluka) se utvrđuju nazivi domene i poddomena internet stranica Skupštine Kantona Sarajevo (u daljnjem tekstu: Skupština), Vlade Kantona Sarajevo (u daljnjem tekstu: Vlada), kantonalnih organa uprave i stručnih službi, kantonalnih upravnih organizacija Kantona Sarajevo (u daljnjem tekstu: organi uprave) i adresa elektronske pošte zastupnika u Skupštini, članova Vlade, te imenovanih lica, državnih službenika i namještenika Kantona Sarajevo (u daljnjem tekstu: zaposlenici).

II

Kanton Sarajevo za predstavljanje na internetu koristi domenu "ks.gov.ba", registrovanu kod institucije nadležne za upravljanje "gov.ba" domenom.

III

Utvrdjuju se poddomene u obliku "ABC.ks.gov.ba", gdje "ABC" predstavlja skraćenicu Skupštine, Vlade, kantonalnog organa uprave, stručne službe ili kantonalne upravne organizacije.

IV

Kanton Sarajevo koristi sljedeće adrese elektronske pošte, uz dodatne adrese po potrebi:

a) kontakt adresa: ABC@ABC.ks.gov.ba;

b) alternativna kontakt adresa: info@ABC.ks.gov.ba;

Adrese elektronske pošte zastupnika u Skupštini, članova Vlade i zaposlenika: ime.prezime@ABC.ks.gov.ba, gdje "ABC" predstavlja skraćenicu Skupštine, Vlade, kantonalnog organa uprave, stručne službe ili kantonalne upravne organizacije, a kreiraju se na osnovu prethodno pismenog zahtjeva organa uprave upućenog Zavodu za informatiku i statistiku Kantona Sarajevo.

V

Kanton Sarajevo za interne informacije prema zaposlenicima koristi jedinstvenu intranet stranicu koja nije registrovana i dostupna izvana.

VI

Za provođenje ove Odluke zadužuje se Zavod za informatiku i statistiku Kantona Sarajevo, u saradnji s organima uprave.

Vlada obavezuje Zavod za informatiku i statistiku Kantona Sarajevo da na svojoj web stranici i web stranici Vlade Kantona Sarajevo kreira i redovno održava poseban Registar domena i poddomena Kantona Sarajevo, koji uključuje registrovanu domenu, sve dosadašnje registrovane poddomene internet adresa koje su propisane ranijim odlukama navedenim u članu VII. (Prestanak važenja ranijih odluka) ove Odluke, te sve buduće registrovane i kreirane poddomene.

Vlada daje saglasnost Zavodu za informatiku i statistiku Kantona Sarajevo da, na prethodni pismeni zahtjev organa uprave, a na osnovu odgovarajuće odluke rukovodioca Zavoda za informatiku i statistiku Kantona Sarajevo, registruje, kreira i održava poddomene, te iste evidentira u Registru domena i poddomena Kantona Sarajevo, bez obaveze izmjene ili dopune ove Odluke.

VII

Danom stupanja na snagu ove Odluke, prestaju važiti sljedeći propisi:

- a) Odluka o utvrđivanju domene i poddomena internet portala i adresa elektronske pošte u Kantonu Sarajevo ("Službene novine Kantona Sarajevo", broj 31/09),
- b) Odluka o izmjenama i dopunama Odluke o utvrđivanju domene i poddomena internet portala u Kantonu Sarajevo ("Službene novine Kantona Sarajevo", broj 52/12),
- c) Odluka o izmjenama i dopunama Odluke o utvrđivanju domene i poddomena internet portala u Kantonu Sarajevo ("Službene novine Kantona Sarajevo", broj 17/15),
- d) Odluka o dopunama Odluke o utvrđivanju domene i poddomena internet portala u Kantonu Sarajevo ("Službene novine Kantona Sarajevo", broj 25/17),
- e) Odluka o dopunama Odluke o utvrđivanju domene i poddomena internet portala u Kantonu Sarajevo ("Službene novine Kantona Sarajevo", broj 17/18),
- f) Odluka o dopunama Odluke o utvrđivanju domene i poddomena internet portala u Kantonu Sarajevo ("Službene novine Kantona Sarajevo", broj 17/19),
- g) Odluka o dopunama Odluke o utvrđivanju domene i poddomena internet portala i adresa elektronske pošte u Kantonu Sarajevo ("Službene novine Kantona Sarajevo", broj 52/20),
- h) Odluka o izmjenama i dopuni Odluke o utvrđivanju domene i poddomena internet portala i adresa elektronske pošte u Kantonu Sarajevo ("Službene novine Kantona Sarajevo", broj 6/21).

VIII

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-22133-4/21
20. maja 2021. godine
Sarajevo

Premijer
Edin Forto, s. r.